



**KERAJAAN MALAYSIA**

**SURAT PEKELILING AKAUNTAN NEGARA MALAYSIA  
BILANGAN 4 TAHUN 2011**

Semua Ketua Setiausaha Kementerian  
Semua Ketua Jabatan Persekutuan  
Ketua Polis Negara – Bahagian Kewangan  
Pengarah Jabatanarah Urusan Gaji Angkatan Tentera (UGAT)  
Semua Ketua Akauntan Jabatan Mengakaun Sendiri  
Semua Pengarah Negeri Dan Cawangan Jabatan Akauntan Negara  
Semua Pusat Gaji

**PERATURAN PEMBAYARAN IMBUHAN TAHUNAN DAN BAYARAN KHAS  
PRESTASI KEPADA PEGAWAI PERKHIDMATAN AWAM PERSEKUTUAN  
BAGI TAHUN 2011**

**1. TUJUAN**

1.1 Surat Pekeliling ini adalah bertujuan untuk menetapkan peraturan pembayaran berikut:-

- i. Imbuhan Tahunan kepada pegawai Perkhidmatan Awam Persekutuan dalam Kumpulan Pengurusan dan Profesional serta Kumpulan Sokongan; dan
- ii. Bayaran Khas Prestasi kepada pegawai Perkhidmatan Awam Persekutuan dalam Kumpulan Pengurusan Tertinggi.

1.2 Pekeliling ini hendaklah dibaca bersama dengan Pekeliling Perkhidmatan Bilangan 8 Tahun 2011.

## **2. ASAS PERKIRAAN IMBUHAN TAHUNAN DAN BAYARAN KHAS PRESTASI**

2.1 Kadar Imbuan Tahunan dan Bayaran Khas Prestasi yang perlu dibayar hendaklah dikira berasaskan kepada gaji pokok (termasuk elaun memangku) bagi bulan Julai 2011 atau gaji akhir yang diterima dalam tempoh 1 Januari hingga 31 Julai 2011.

2.2 Imbuan Tahunan dan Bayaran Khas Prestasi ini diberi kepada semua pegawai Perkhidmatan Awam Persekutuan **yang masih berkhidmat pada 8 Ogos 2011**, tertakluk kepada syarat bahawa pegawai telah berkhidmat genap satu (1) bulan perkhidmatan dalam tempoh 1 Januari hingga 8 Ogos 2011.

2.3 Kadar Imbuan Tahunan dan Bayaran Khas Prestasi yang ditetapkan adalah sebanyak setengah ( $\frac{1}{2}$ ) bulan gaji atau minimum RM500.00.

## **3. PERATURAN PELAKSANAAN PEMBAYARAN IMBUHAN TAHUNAN DAN BAYARAN KHAS PRESTASI**

3.1 Imbuan Tahunan dan Bayaran Khas Prestasi akan dibayar pada pertengahan bulan Ogos 2011. Dalam membuat pembayaran ini, peraturan-peraturan berikut perlu dipatuhi:-

### **3.1.1 Cukai Pendapatan**

Cukai pendapatan tidak dipotong dari amaun Imbuan Tahunan dan Bayaran Khas Prestasi yang hendak dibayar, tetapi Imbuan Tahunan dan Bayaran Khas Prestasi tersebut akan diambil kira dalam Penyata Pendapatan

Tahunan untuk tujuan penaksiran cukai pendapatan. Pegawai Perkhidmatan Awam Persekutuan digalakkan untuk menjelaskan sendiri cukai pendapatan berkenaan berdasarkan kepada Jadual (Kaedah 3) Potongan Cukai Bulanan Lembaga Hasil Dalam Negeri.

### 3.1.2 Potongan Kumpulan Wang Simpanan Pekerja (KWSP)

Di bawah tafsiran 'Upah' dalam Seksyen 2, Akta KWSP 1991, Imbuan Tahunan dan Bayaran Khas Prestasi ini adalah dikenakan caruman KWSP. Potongan caruman pekerja dan bayaran caruman majikan perlu dibuat sewajarnya.

### 3.1.3 Bayaran Bagi Pegawai di Bawah Sistem Gaji Berkomputer

Bagi pegawai Perkhidmatan Awam Persekutuan dimana gajinya dibayar melalui Sistem Gaji Berkomputer perkara berikut hendaklah diambil maklum:-

- i. Penyata Perubahan (Kew.8) tidak perlu disertakan. Pejabat Perakaunan (Negeri/ Cawangan Jabatan Akauntan Negara Malaysia dan Jabatan Mengakaun Sendiri) akan mengeluarkan **Laporan Penerima Bonus** sebagai ganti Borang Perubahan Gaji (SG20);
- ii. Kementerian/Jabatan hendaklah **menyemak** amaun Imbuan Tahunan dan Bayaran Khas Prestasi yang dibayar seperti di dalam **Laporan Penerima Bonus** terutama sekali mereka yang tidak layak menerimanya dan mereka yang hanya layak menerimanya secara *proportionate* seperti yang tersebut di dalam Pekeliling Perkhidmatan Bilangan 8 Tahun 2011. Adalah menjadi tanggungjawab Kementerian/Jabatan mengutip semula atau

memotong daripada gaji bulan berikut amaun yang tidak layak diterima oleh seseorang pegawai Perkhidmatan Awam Persekutuan; dan

- iii. Bagi pegawai Perkhidmatan Awam Persekutuan yang tidak tersenarai dalam **Laporan Penerima Bonus** seperti di para 3.1.3 (ii) tetapi gajinya adalah diproses dalam Sistem Gaji Berkomputer, bayaran Imbuan Tahunan dan Bayaran Khas Prestasi hendaklah dibayar melalui baucar berasingan dalam bulan Ogos 2011.

#### 3.1.4 Pembayaran Melalui Baucar Berasingan

Bagi Imbuan Tahunan dan Bayaran Khas Prestasi yang dibayar melalui baucar berasingan hendaklah disertakan Penyata Perubahan (Kew.8) dan dokumen sokongan yang lain.

#### 3.1.5 Pelarasan Untuk Imbuan Tahunan dan Bayaran Khas Prestasi

Pelarasan yang sewajarnya jika perlu hendaklah dibuat oleh Kementerian/Jabatan dalam tahun 2011.

#### 3.1.6 Kod Urus Niaga

- i. Kod-kod urus niaga yang perlu digunakan bagi bayaran Imbuan Tahunan dan Bayaran Khas Prestasi bulan Ogos 2011 adalah seperti berikut:-

<u>KOD SODO</u>	<u>KOD ELAUN</u>	<u>PERIHAL KOD SODO</u>
15103	1070	Imbuan Tahunan Kakitangan Awam.
15204	1070	Imbuan Tahunan Pasukan Keselamatan.

<u>KOD SODO</u>	<u>KOD ELAUN</u>	<u>PERIHAL KOD SODO</u>
29304	1070	Imbuan Tahunan Pekerja Sementara dan Sambilan Yang Tidak Menyanggah Jawatan Tetap.
15105	1071	Bayaran Khas Prestasi Jawatan Utama.
15205	1071	Bayaran Khas Prestasi Pasukan Keselamatan.

- ii. Kod-kod urus niaga yang perlu digunakan bagi bayaran berkaitan Imbuan Tahunan dan Bayaran Khas Prestasi yang dibuat pada bulan-bulan berikutnya bersama bayaran gaji (sekiranya perlu) adalah seperti berikut:-

<u>KOD SODO</u>	<u>KOD ELAUN</u>	<u>PERIHAL KOD SODO</u>
15103	1056	Imbuan Tahunan Kakitangan Awam.
15204	1056	Imbuan Tahunan Pasukan Keselamatan.
29304	1056	Imbuan Tahunan Pekerja Sementara dan Sambilan Yang Tidak Menyanggah Jawatan Tetap.
15105	1501	Bayaran Khas Prestasi Jawatan Utama.
15205	1501	Bayaran Khas Prestasi Pasukan Keselamatan.
15103	1533	Pelarasan Imbuan Tahunan Kakitangan Awam.
15204	1533	Pelarasan Imbuan Tahunan Pasukan Keselamatan.

<u>KOD SODO</u>	<u>KOD ELAUN</u>	<u>PERIHAL KOD SODO</u>
15105	1532	Pelarasan Bayaran Khas Prestasi Jawatan Utama.
15205	1532	Pelarasan Bayaran Khas Prestasi Pasukan Keselamatan.

**4. PERUNTUKAN UNTUK MEMBAYAR IMBUHAN TAHUNAN DAN BAYARAN KHAS PRESTASI**

Kementerian/Jabatan hendaklah membayar Imbuan Tahunan dan Bayaran Khas Prestasi ini daripada peruntukan tahun semasa yang sedia ada. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

**“BERKHIDMAT UNTUK NEGARA”**



**DATUK WAN SELAMAH BINTI WAN SULAIMAN**  
Akauntan Negara Malaysia

10 Ogos 2011

**s.k :**

1. Ketua Audit Negara
2. Semua Akauntan/Bendahari Negeri
3. Ketua Eksekutif LHDN
4. Pengurus Besar KWSP